



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex cap. 33. & 36. lib. 2. Paralip. in quibus describitur
Manassis Impietas, captivitas, pœnitentia &c. Impietas Israëlitarum, gravis
pœna ipsis inflictæ per Chaldæos.

[urn:nbn:de:hbz:466:1-61252](#)

nas laudes & gratiarum actionem erupit, resignatā penitus in divinum beneplacitum mente exclamans: *Sit Nomen Domini benedictum &c.* Quare S. Chrysost. Homil. 1. in Job. ait: *perfectam gratiarum actionem loco sacrificii obtulit dicens: sit Nomen Domini benedictum.* Colliges inde ò Christiane! quô signô testari debeas gratam pro divinis beneficiis memoriam.

Doctrina 3.

Desumpta ex cap. 33. & 36. lib. 2. Paralip. in quibus describitur Manassis Impietas, captivitas, pœnitentia &c. Impietas Israëlitarum, gravis pœna ipsis inficta per Chaldaos.

Considera 1. Quid verissimè dixerit Isaías cap. 28. v. 19. *Vexatio N. 344.* intellectum dabit. Hoc enim præter innumeros alios suò testabatur exemplò Manasses olim Regum impiissimus, sed talis stimulò ad pœnitentiam compulsus. Is omnem Dei veri notitiam videbatur à mente exclusisse penitus, donec in servitutem abductus, & in obscurum carcerem conjectus cognovit teste S. Scripturā c. 33. supra cit. *Quod Dominus Ipse est Deus.* Non secus mentis oculos Regi Antiocho aperuit calamitas, quos ei clauserat terrena felicitas: fatalibūs enim corporis doloribūs pressus, exclamare auditus est Machab. 1. c. 6. *Nunc vero reminiscor malorum, quæ feceram in Jerusalem,* Saulus, et si sedulam studiis locaret operam in schola Gamalielis: mansit tamen tam densis in intellectu suò tenebris obsitus, ut nihil de clarissima Christianæ fidei luce intueretur: donec in Campo Damasceno ex equo præceps actus, & in corporeis oculis terrā cæxitate percussus, audire meruit: *ego ostendam illi, quanta eum oporteat pro nomine meo pati.* Tam insignem tribulationis effectum contemplatus Laurent. Justin. lib. 2. de Spirit. animæ resurrect. inquit: *Videsne, quam fructuosa sit tribulatum vexatio, quæ a quo animo adversa patientibus tam præclarum tribuit intellectum?* hæc sicut stellæ serenâ die nostris oculis suum abscondunt lumen, quod tamen in nigra monstrant nocte: ita tribulatio intellectum illuminat, quem Mundi Felicitas & optatus terrenarum rerum successus obcuraverat; atque hinc Zeno Criticus Philosophus dicere consueverat, nuquam se melius, nunquam felicius se navigasse, quād cum fractâ navī & amplissimis opibūs naufragiō amissis enatāries

Mm m 2

tunc

tunc enim se ad Philosophicæ studium incubuisse, magnō scientiæ thesaurō illustrandum. Adhortor ergo te Christiane Lector verbis Apostoli Jacobi, dicentis: cap. 1. *Omne gaudium existimare fratres, cùm in variis tentationes incideritis, scientes: quod probatio fidei vestre patientiam operatur; patientia vero opus perfectum habet.* Sic imitaberis pœnitentem Manassen: auferendō de Templo cordis tui Deos alienos, inordinatas videlicet suppressiōē Passiones. *Instaurabis cum eo Altare Domini, immolans super illud gratissimas laudum hostias, & præcipes omnibus tuis Potentiis sicut Manasses Judæ: ut serviret Domino Deo Israël v. 17. cit. capit. 1.*

N.345.

Considera 2. Et admirare: Hebræos è tandem impietatis devessisse: ut non tantum Personæ Laicæ, sed etiam ipsi Principes Sacerdotum relictō veri Dei Cultu Thus abolerent Diis Gentium. Verba S. Scripturæ cap. 36. sunt: universi Principes Sacerdotum & Populus prædicati sunt inique juxta universas abominationes Gentium, & polluerunt Dominum Domini. Causam vero hujus pessimæ metamorphoseos si inquiras? respondebit illico sacer textus v. 15. citati cap. Mittebat autem Dominus Deus Patrum suorum ad illos per manum nuntiorum suorum, & quotidie commonens: at illi subfannabant nuntios Dei, & parvi pendebant sermones ejus, illudebantque Prophetis. Sicut aqua in hortis optimis deficiente necesse est, arescere flores omnes, ita non accepto in auribus fidelium Verbi Divini fonte, quidquid residuæ pietatis est, perire cogitur. Cyrillus Alexandrinus in Joan. c. 19. scribens opinatur: Dæmonem post acceptam in ultima Cœna buccellam Judam intrâsse, ut perurgeret eum, ad cœnaculum ociūs deserendum: ne moram ibi diurniorem trahens, sermoni Salvatoris interesset, & per eum conversus relipisceret, potatus ex fonte, ex quo qui biberit, non sitiet in æternum. S. Epiphanius, Dorotheus & Chronicum Alexandrinum referunt teste Sanctiō in 2. Regum cap. 7. prævidisse Nathan Prophetam gravissimum Davidis adulteri lapsum, quem Verbō Dei præverteret, celerrime ē patria advolâsse Jerosolymam: verū Belial seu Dæmonem ei obiecisse corpus exanime, cui à volucribus & feris vindicando, dum Propheta admoverat manus, illud sepulturæ tradens, transiisse interim tempus, peccâsse Regem, & divinâ revelatione, de peccato certiore redditum Prophetam re infectâ remeâsse Domum. Historia hæc, eti nullis S. Scripturæ innitatur verbis, innititur tamen gravium Doctorum authoritati, docens; quantum machinetur Dæmon, ut homines

nes à verbi divini fonte avertat, ò quanta oblitio, exclamat S. Thomas à Villanova in sexages. quanta negligentia ! quantus contemptus esset ! quomodo inundarent omnia peccatis ! cùm etiam inter reprehensiones & exhortationes abundant satis delicta. Loquitur S. Præfus de miserando hominum statu, qui contingeret ex defectu Evangelicæ Prædicationis. Theodoretô teste Persæ ante auditâ sacri Evangelii verba, adeò extra limites honestatis & temperantiae vagabantur, ut non sorores tantum, sed filias etiam, & matres sibi conjugio copularent. Eò adhæc crudelitatis devenerant, ut defunctorum hominum cadavera sepulturæ loco canibus objicerent devoranda. Scythæ verò eò immanitatis fuerant progressi, ut tumulo vivos mortuosque recondenter. Omnium immanissimi Massagetae non usu tantum, sed latâ lege senes suos mactatos, in lœtis conventiculis devorare consueverant. Verùm gentes istæ divini verbi fonte per Apostolicos viros potatae, magna ex parte in alios transiere homines, & quidem in tales, qui cum vera fide pulcherrimos virtutum actus conjunxere. Saracenus quidam teste Bernard. Bustoz: cùm Florentiaz concionem audiens in uberrimas solveretur lacrymas, rogatus: cur fleret ? reposuit: fleo Saracenorum calamitatem & Christianorum ingratitudinem, si namque hæc concio Damasci facta esset in centum millium corona, plures octoginta sex millibûs ab errore conversos crederem. Christiane Lector, si tuorum criminum & neglectæ hucusque poenitentiae causam inquiras ? candem deprehendes, quam de Hebræis superius citata affert Scriptura. Ad vanoshominum discursus, ad novellas, ad verba detraetoria vel etiam lasciva paratam semper defers aurem : at surdescis ad servidas prædicantium voces, si non etiam easdem rideas. *Ex Deo est, qui verba Dei audit.* Ergo ex Deo non eris, qui adeò divinum abhorres verbum : haud aliter neglectum hunc luiturus in anima tua, quam luerant Hebrei in corpore : *Ascendet enim furor Domini in te. Tartareus Rex Chaldeorum adducetur super te, & in infernalem Babylonem, æternâ captivitate premendus te abducet, nisi fueris emendatus.*

FASCI-

M m m 3